



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De contritione cuiusdam nobilis ab He[n]rico duce Saxonum excaecati,
cap. 36

urn:nbn:de:hbz:466:1-13177

si is qui oculos non habet, contritionem habere possit, cum siue oculis flere non possit. CÆSARIUS: Contritio non est in lacrymis, sed in motu cordis, cuius signa lacrymæ sunt oculorum, cum & cor lacrymas suas habeat.

CAPVT XXXVI.

*Nobilis
excecatus
contritio*

DVX Henricus Saxo, pater Ottonis Imperatoris, tempore quodam virum quendamobilem pro suo scelere excolauit: Deus vero ex sua misericordia, excecationis poenam viro conuertens in medicinam, tantam cordi eius contulit contritionem, vt iugiter peccata commissa defleret, & pro desiderio patriæ celestis semper suspiraret. Non recedebat de ecclesia beatæ Dei genitricis Mariæ in Hildeshem, orationibus & ieiunijs vacans. Casu contigit, vt stultus quidam verbum stultum, eo audiente, proferret, dicens: Qui hinc oculos non habet, nec in futuro oculos habebit, quibus Deum videat: de quo verbo turbatus nimis, dum quotidie gerneret, nec verborum consolationem reciperet, a multis culpatus, respondit: Nisi mihi ex scripturarum auctoritate probeatur, consolari non potero. Quod ei facile probari potuit à viris literatis, quorum in eadem ciuitate copia fuit.

APOLLONIVS: Quomodo autem probatur? **CÆSARIUS:** Saluator dicit electis: Capillus de capite vestro non peribit: super quem locum dicit Augustinus: Perit caput, vbi non perit capillus? vbi non perit palpebra, perit oculus? Quasi diceret: Non; nam omnes mortui integraliter resurgent: Mali, vt in omnibus suis membris puniantur; Boni, vt in omnibus remunerentur. Hoc securè dico & credo, quod omnis homo, siue iustus sit siue peccator, si in contritione etiam minima decesserit, Deum visurus sit. Ad quam visionem nos perducere dignetur Dominus noster Iesus Christus, splendor gloriæ, qui cum Patre & Spiritu sancto viuunt & regnant Deus, per infinita sæcula sæculorum. Amen.

Luce 12.

LIBRI SECYNDI FINIS.

CAPITA